



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01 \_\_\_\_\_/19  
Datum: \_\_\_\_\_ 2019. godine

**PRIJEDLOG**

Na osnovu člana 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini – prečišćeni tekst ("Službeni glasnik BiH", broj 29/18) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na \_\_\_\_ sjednici održanoj \_\_\_\_\_ donosi

**ODLUKU**

**o objavljivanju Javnog oglasa za imenovanje člana Općinske izborne komisije Tešanj**

**Član 1.**

Ovom odlukom utvrđuju se osnovni uslovi za obavljanje javnog oglasa za imenovanje 1 (jednog) člana Općinske izborne komisije Tešanj.

**Član 2.**

Javni oglas iz člana 1. ove odluke objavit će se najmanje u jednom dnevnom listu koji izlazi na području Bosne i Hercegovine ("Oslobođenje"), web stranici Općine Tešanj i lokalnim medijima sa kojima Općina Tešanj ima zaključen ugovor.

Javni oglas iz člana 1. ove odluke ostaje otvoren 8 (osam) dana od dana objavljivanja.

Javni oglas čini sastavni dio ove odluke i objavit će se u "Službenom glasniku Općine Tešanj".

**Član 3.**

Kandidati za člana Općinske izborne komisije trebaju ispunjavati opće uslove propisane Izbornim zakonom BiH i posebne uslove propisane Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u BiH.

Mandat člana Općinske izborne komisije traje 7 (sedam) godina računajući od dana davanja saglasnosti Centralne izborne komisije BiH na odluku o imenovanju člana Općinske izborne komisije koju donese Općinsko vijeće Tešanj.

**Član 4.**

Postupak po raspisanom javnom oglasu iz člana 1. ove odluke provest će Komisija za izbor i imenovanje Općinskog vijeća koja je formirana rješenjem broj 01-49-2-2431-31/16 od 5.3.2018. godine ("Službeni glasnik Općine Tešanj" broj 2/18).

**Član 5.**

Ova odluka stupa na snagu narednog dana od dana objavljivanja u "Službenom glasniku Općine Tešanj".

**PREDSJEDAVAJUĆI OV  
Senad N. Subašić, dipl. ekonomista**

## OBRAZLOŽENJE

### PRAVNI OSNOV

- Član 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16);
- Član 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini – prečišćeni tekst ("Službeni glasnik BiH", broj 29/18);
- Član 14. Statuta Općine Tešanj ("Službeni glasnik Općine Tešanj" broj 11/07).

### RAZLOZI ZA DONOŠENJE

Općinska izborna komisija (u daljem tekstu OIK) broji pet članova, a jedan član OIK Dijana Brkić je podnijela zahtjev za ostavku. Općinsko vijeće Tešanj donijelo je rješenje o razrješenju broj 01-49-2-819-4/19 od 30.4.2019. godine, na koje je Centralna izborna komisija izdala suglasnost broj 06-1-07-1-253/19 od 15.5.2019. godine. Na osnovu navedenog ispunjeni su uslovi za pokretanje procedure za imenovanje novog člana OIK Tešanj.

Navedene radnje su poduzete u skladu sa članom član 2.12 stav (6) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16).


Članove općinske izborne komisije imenuje Općinsko vijeće, uz saglasnost Centralne izborne komisije BiH, na osnovu provdenog javnog oglasa, a po proceduri koju utvrđuje Centralna izborna komisija BiH posebnim propisom, a sve u skladu sa članom 2.12. stav (5) Izbornog zakona.

Ovom odlukom određuju se osnovni uslovi, a javnim oglasom za imenovanje 1 (jednog) člana Općinske izborne komisije Tešanj detaljno su opisani uslovi za izbor, te Javni oglas čini sastavni dio ove odluke. Ovom odlukom određena je Komisija koja će provoditi Javni oglas, a sve u skladu sa članom 7. tačka a) Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 3/18) koji navodi: "Nadležni organ donosi odluku o objavljivanju javnog oglasa za imenovanje člana (članova) izborne komisije. Navedenom Odlukom se utvrđuje: mjesto oglašavanja (mediji - TV, radio, dnevne novine), uslovi koje kandidat mora ispunjavati, rok za podnošenje prijave kandidata, trajanje mandata izabranog člana i sl. Nadležni organ imenuje komisiju za provođenje postupka po javnom oglasu (u daljnjem tekstu: konkursna komisija)".

Na osnovu svega navedenog predlažemo Općinskom vijeću usvjanje prijedloga Odluke i teksta Javnog oglasa.

### OBRADIVAČ

Sužba za boračko-invalidsku  
zaštitu i opću upravu  
Pomoćnik općinskog načelnika  
Sabahudin Omerbašić



### PREDLAGAČ

OPĆINSKI NAČELNIK  
mr. sci. Suad Huskić



Broj: 02-49-2-819-6/19  
Datum: 13.6.2019. godine





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 01-49-2-819-\_\_/19

Datum: 13.6.2019. godine

Na osnovu člana 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini – prečišćeni tekst ("Službeni glasnik BiH", broj 29/18), Odluke o objavljivanju javnog oglasa za imenovanje članova Općinske izborne komisije Tešanj broj \_\_\_\_\_ i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na \_\_\_\_ sjednici održanoj \_\_\_\_\_ donosi

**JAVNI OGLAS  
za imenovanje jednog člana Općinske izborne komisije Tešanj**

**I**

Objavljuje se javni oglas za imenovanje 1 (jednog) člana Općinske izborne komisije Tešanj. Člana Općinske izborne komisije imenuje Općinsko vijeće Tešanj, uz saglasnost Centralne izborne komisije BiH, na period od 7 (sedam) godina.

**II**

U skladu sa Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u BiH zainteresirani kandidati moraju ispunjavati opće uslove:

- Da imaju pravo glasa;
- Da posjeduju odgovarajuću stručnost i iskustvo u provođenju izbora.

Pored općih uslova, zainteresirani kandidati moraju ispunjavati i posebne uslove:

1. Da imaju prebivalište u općini Tešanj;
2. Da imaju završen pravni fakultet, odnosno VII/1 stepen stručne spreme društvenog smjera, ili završenu višu školu, odnosno VI/1 stepen stručne spreme društvenog smjera;
3. Da posjeduju iskustvo u provođenju izbora (članstvo u izbornoj komisiji; članstvo u biračkom odboru; rad u stručnim organima koji su pružali pomoć u provođenju izbora; objava stručnih i naučnih radova iz oblasti izbora).

Izuzetno od odredbi posebnih uslova navedenim pod brojem 2. ovog oglasa, član Općinske izborne komisije može biti lice sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona BiH.

Izuzetno od odredbi posebnih uslova navedenim pod brojem 3. član Općinske izborne komisije može biti lice koje ima završen pravni fakultet, odnosno VII/1 stepen stručne.

Sastav općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

### III

Za člana Općinske izborne komisije **ne može** biti imenovano lice:

1. Koje se ne može kandidovati u smislu odredaba članova 1.6., 1.7. i 1.7a. Poglavlje I Izbornog zakona Bosne i Hercegovine;
2. Koje je član najvišeg izvršno – političkog organa političke stranke ili koalicije (predsjednik, podpredsjednik, generalni sekretar ili član izvršnog odbora ili glavnog odbora);
3. Koje je nosilac izabranog mandata ili član izvršnog odbora organa vlasti, osim u slučajevima predviđenim članom 2.12./stav 4. Poglavlje II Izbornog zakona Bosne i Hercegovine;
4. Koje je kandidat za izbore na bilo kojem nivou vlasti;
5. Kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje 4 (četiri) godine, računajući od dana pravosnažnosti odluke;
6. Koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

### IV

Uz prijavu na ovaj oglas, potrebno je dostaviti sljedeću dokumentaciju:

1. Kraću biografija sa ličnim podacima kandidata (ime, ime oca, prezime, jedinstveni matični broj, adresa, broj telefona za kontakt);
2. Ovjerenu kopija diplome o završenom stepenu i vrsti stručne spreme;
3. Dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u Općinsku izbornu komisiju ili birački odbor, ili neki drugi dokaz koji može potvrditi da kandidat ima izbornu iskustvo);
4. Svojeručno potpisana izjava i ovjerena od nadležnog organa, o nacionalnoj pripadnosti;
5. Svojeručno potpisana izjava i ovjerena od nadležnog organa, o nepostojanju smetnji iz člana 2.3. i 2.12. Izbornog zakona Bosne i Hercegovine (da nije član najvišeg izvršno – političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu Izbornog zakona ili propisa za koje je lice lično odgovorno, u posljednje 4 (četiri) godine, računajući od dana pravosnažnosti odluke, da nije pravosnažnom sudskom presudom osuđen na kaznu zatvora u trajanju od 6 mjeseci i duže);
6. Uvjerenje o prebivalištu.

### V

Zadatak Općinske izborne komisije:

nadgleda i kontrolira rad Centra za birački spisak iz člana 3.8 Izbornog zakona BiH; određuje biračka mjesta na području općine za glasanje na svim nivoima vlasti u Bosni i Hercegovini; provodi postupak imenovanja, imenuje i obučava članove biračkog odbora; brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini; obavještava birače o svim informacijama neophodnim za provedbu izbora, u skladu sa propisima Centralne izborne komisije BiH; odgovorna je za uređenje biračkog mjesta i druge tehničke pripreme za izbore; odgovorna je za pravilno brojanje glasačkih listića na biračkim mjestima i u općinskim centrima za brojanje; objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH; obavlja druge poslove u skladu sa zakonom i propisima Centralne izborne komisije BiH.

### VI

Po zatvaranju Javnog oglasa, Komisija će izvršiti klasifikaciju kandidata.

Sa kandidatima koji ispunjavaju uslove Javnog oglasa, Komisija će obaviti intervju (na uvid donijeti ličnu kartu), nakon čega će sačiniti rang listu sa redoslijedom kandidata prema uspjehu postignutom na intervjuu i pismeni izvještaj podnijeti Općinskom vijeću Tešanj, najkasnije u roku od 15 dana od dana zatvaranja Javnog oglasa.

Općinsko vijeće Tešanj će cijeneći položaj kandidata na rang listi, izvršiti imenovanje i svoju Odluku dostaviti na saglasnost Centralnoj izbornoj komisiji BiH.



## VII

Krajnji rok za podnošenje prijave je 8 (osam) dana od dana objave Javnog oglasa u dnevnom listu.

Pismene prijave se podnose se u zatvorenoj koverti sa naznakom:

“Komisija za izbor i imenovanje, na adresu Trg Alije Izetbegovića 1, 74260 Tešanj;

PRIJAVA NA JAVNI OGLAS ZA ČLANA OPĆINSKE IZBORNE KOMISIJE – NE OTVARATI“.

Nepotpune i neblagovremene prijave neće biti uzete u razmatranje.

### **Dostavljeno:**

1. “Oslobođenje”
2. Web stranica Općine Tešanj
3. Lokalni mediji
4. Arhiva

**PREDSJEDAVAJUĆI OV**  
**Senad N. Subašić, dipl. ekonomista**